

國朝詞綜續編

國朝詞綜續編卷十九

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

吳廷燮 七首

黃增祿 二首

周學濬 一首

邊浴禮 三首

應寶時 二首

董葆身 一首

王慶勲 四首

吳承勲 三十六首

葉元璧 二首

葉元階 一首

葉九苞 一首

厲志 一首

施燕辰 二首

徐其志 二首

楊韞華 一首

孫元培 一首

儲憲良 一首

李燿 二首

吳廷燮 字彥宜海鹽人諸生有小梅花館詞

黃韻甫云彥宜詞胎息玉田而參以白石之清夢窗之豔靜好媚潔白是雅音

解連環

峭寒輕閣正歸來月下五銖衣薄鎖黛痕依約淩波認
瓊佩綺環是君還錯一片秋聲問何處江蘼搖落料盈
盈待語碧海青天總怨離索相思錦箋誤託聽嘯鵲
萬里還更樓泊縱伴我翠羽明璫早簾杳香沈鬢影非

昨夢雨難招被萬疊湘雲迷著又誰知素紉剩寫舊時瘦削

瑞鶴仙

去秋偕陳子湘漁寓居西湖七月既望同人夜泛湖中山水蒼寒煙月交映湘漁吹洞簫余與黃韻甫歌詩和之中流容與光景絕奇殊不減白石老仙垂虹之樂也今春獨客澄江夜窗苦雨春思黯然感念舊遊作此寄黃九韻甫

紫簫畱月住記畫舫尋詩招來鷗鷺恩恩話離緒問山川如此被誰催去情懷最苦尙隱約清遊伴侶漫銷凝一點相思化作斷雲殘雨遲暮長隄垂柳料得而今又飄香絮天涯倦旅傷春事總休賦且紅牙素手燕昏鶯曉倩我韋娘細譜又誰知人瘦梅花翦鐙自語

憶舊遊

記庾平作樓裁酒鄂渚行歌俯仰豪情底事南來雁喚扁

舟夜發獨聽江聲漢潭老卻垂柳消瘦舞腰輕算歷歷

山川清遊萬里未是飄零還驚斷魂處縱澹月微雲

誰弔湘靈一唱蘋花怨怕哀絃和夢飛入秋冥翠鬢近

日愁損遙鎖楚山青待寄折紅蘭西風落郎如切葉吹洞

庭

西子妝白蓮

玉平作浦澈秋銀塘淨練洗出娟娟風露夢痕澹極不知

寒倩眠鷗夜深閒護芳心自苦問月平作底幽愁誰訴褪

紅衣有粉雲涼浸姮娥應妬闌干路甚處香來冷向

晶簾度隔花遙聽棹歌聲蕩空明采芳偏誤湘皋舊侶

怕羅韞淩波飛去認冰魂莫化沙邊暗雨

淒涼犯

蓬

湘筠翠截孤吟處泠泠一片淒切綺窗夢遠遙空雁渡
亂山千疊頻年訴別想吹暖仙人凍鐵記銷魂關河柳
折鏡裏正愁絕黃鶴西樓上醉倚危闌水搖天闕舊
遊喚起怕梅花夜寒飛雪斷續風前又清和噉援共咽
悄無聲碧漢倒瀉萬里月

梅花引

擬馬延巳

按瑤笙理銀箏記別春風歌渭城柳條青柳條青簾外
又聽梧桐秋夜聲蕭蕭偏向閒窗急淒淒偏在愁心
滴雨零鈴雨零鈴孤枕夢回關山千里情

憶舊遊

丁酉十月廿又二日吳子述招張松谿顧升伯暨余泛舟西谿憩焚蘆庵謁樊榭山

人栗主暮由秋雪庵而歸松谿約繪西谿泛雪圖并用樊榭舊調作詞紀遊松谿詞先成余亦倚聲譜此

對霜楓豔錦野水皴紋載酒津亭未了煙波夢趁谿山
滿目搖蕩空明醉魂喚起何處瑤瑟怨湘靈任繫我扁
舟漁村釣漱澹畫詩情荒汀試凝望引野興飄然飛
度秋冥亂舞瓊如雪和白雲千片冷卷無聲遠峯倒影
清鏡低擁暮鬟青又暝入高寒閒鷗碎點三四星

黃增祿

字伯穀號穀卿吳江人道光二十三年舉人著有拜石詞

金縷曲

春到隄邊柳正東風絲絲煙影綠波吹皺如此湖山恩

恩去那禁相思歸後借摩詰詩情畫手背地描摹神逼
似算明妝西子還低首常出入君懷袖年年閉置如
新婦弄扁舟煙餐水宿者番消受落拓清游誰省識笑
問巖頭靈鷲更幾度花新月舊雪滿孤山梅萼破可重
來夢與胎禽就操此券歲寒守

百字令

迷離煙雨指湖山暢好故鄉無此別後恩恩誰管領羸
得相思滋味增影歆紅柳絲漾碧約略圖中記星星春
色落花飛墮懷裏遙想東晉頽垣南朝故壁都付滄
桑矣剩水殘山猶似舊笑殺英雄有幾且任清游重期
後約莫負吳儂意澹妝濃抹只應常比西子

周學濬

號縵雲烏程人道光二十四年進士現官御史

鳳凰臺上憶吹簫

題戴銅士西湖訪秋圖

遠樹勻煙涼雲墜水好秋知在誰邊甚一湖出翠也瘦
雙鬟盡把穠華收拾人影外如許荒寒句畱處幽懷漫
訴妙筆能傳 流連舊遊尙憶憶水陌虹梁小駐吟鞭
共愁荷倦柳顚頻年算只沙汀鷗鷺能記我幾度憑
闌何時約扁舟葦花共載秋還

邊浴

禮字袖石任邱人道光二十四年進士官至河南布政使有空青詞

絳都春

雁來紅

芳叢旖旎映六曲畫闌平添秋意病葉墜窗昨夜高齋
西風起羅帷鐙暗聞清淚早霜外一繩愁字曉來看取

圍階翠帶染成霞綺 絕似曉鶻弔月灑枝上點點淚
痕新漬怨寫暮箏篩得空庭斜陽碎相思欲向天涯寄
待摺作桃花箋紙配他蓼穗莢房豔妝休洗

百字令

秋晚友人招飲夜半始歸獨坐成此舉似改之

年華似水問能消幾許天涯芳事草草逢君同失路做
到貂裘如此斷柳枯蟬寒花病蝶愁滿斜陽底舊遊回
首畫樓應有人倚 縱使鸞扇招香蝶裙圍玉難遣尊
前意醉擊珊瑚吟古調怨入湘娥山鬼秋老關河夜涼
風雨飛夢空迢遞青鞵辦就甚時商畧歸計

憶舊遊

歲暮送改之赴衡水

正幽叢款蝶穉柳呼鶯遊賞青春風雪年華暮甚乍成

芳會先引離尊錦香背花偷擲無夢戀行雲賸一點柔
情酒波搖蕩隨上雕輪臨分寫深怨對金屑檀槽暗
惱輕顰試綰鴛鴦結怕豔歌十索添倍消魂玉樓馬嘶
人遠誰與拂征塵但密約重來枇杷樹底同叩門

應寶時

字敏齋永康人道光二十
四年舉人有射雕山館詞

菩薩蠻

霜華夜逼香篝冷紅輪曉射書窗靜睡少醒時多宵長
人奈何閒階苔色老葉落西風埽鎮日小門開鄉書
不見來

少年游

餘豐農西湖泛月圖

一丸冷月一枝柔艣蕩漾碧天空茶夢初醒琴心乍逗

搖過藕花叢 江山一覽無今古美景惜怱怱秉燭情
懷扣舷風調都在畫圖中

董葆身

字寶生錢塘人諸生有寄廬遺稿附詞

菩薩蠻

小屏紅燭搖寒焰深深庭院門初掩羅袂不勝秋月明
人倚樓 瑤階清漏促忍傍羅幃宿莫問夜如何覺來
幽恨多

王慶勳

號叔彝上海人諸生以海運功官浙江知府有沿波舫詞

百字令

江干步月

秋光入畫有明星數點銀河初洗遠樹沈沈團玉鏡飛
出扶桑海底露氣橫空江流拍岸雁語寒煙裏兩三聲

笛舵樓猶有人倚 更看帆影微茫雲容縹緲極浦潮
來矣著箇扁舟來唱晚攬和涼波音細楓葉搖紅蘆花
戰白頓觸詩心起水天無迹乾坤原是如寄

高陽臺

陳且陶以海天味夢圖屬題悼其亡姬作也

粉鏡塵霏璇閨月冷閒愁何處能消往日因緣那堪重
話今朝斜陽江上青谿渡記雙雙共載蘭橈最魂銷楊
柳樓頭幾度瓊簫 江城一抹渾如舊看碧天無際又
上春潮海樣情深千金難買良宵虛窗寂寞誰堪語覺
簾前雲亦無聊水迢迢指點風帆夢與俱遙

摸魚子

自題孤燈遲夢圖

掩空房幾回欹枕纏綿愁裊千縷銀釭燄冷消殘穗澹

月照窗無語來也。否聽葉卷迴廊道。是珊珊步迷離意。
緒悵粉黯零鈿塵糊繡幔。都在獨眠處。宵深矣。總訝
仙凡異路。容顏能否如故。一牀蝴蝶香堪化。只恨壞裙
難據。心獨苦。倘淚眼分明。肯把離懷訴。更殘幾度。奈喔
喔鄰雞。喃喃梁燕。相約喚天曙。

念奴嬌

中秋前夕同鍾子英周沁秋李少雲錢壽巖許谷卿暨季平弟駕湖觴月

輕煙散盡看涼波。萬頃月華流碧。料峭西風。團桂影。吹
得滿湖香溢。神閃樓紅衫搖水。綠夢落寒蘆。白菱歌甫
罷。舵樓誰又長笛。恰好野局同招舉。杯狂飲。清興融
秋色。卅六鴛鴦眠穩。未甘與沙鷗分宅。酒氣摩天花痕
潑地。詩思冰壺滌陶然。一醉豈容辜此良夕。

吳承勳

字子述錢塘人諸生有影墨館詞

黃韻甫曰道光壬辰秋因許金橋獲交子述
十餘年來久敬不衰子述負才自異於文字
交鮮當意者而與于獨密所著影墨館詞
賦冷豔予嘗比之翡翠波瑚篆月至其
音律綿細毫忽不苟尤為近人所難世有此
才老困一矜且以幽憂死遺孤復殤可為慘
悼存詞若干首以壽其身後而已

滅蘭

夢中知道牆角杏花紅最早看不分明隔著窗紗一兩
層香零粉瘦難得花間開笑口燕子來時但寄音書
莫寄詩

洞仙歌

題舊盟月榭圖壬辰三月十八日作新愁
舊恨橫觴無端醉後雜書不能自已越歲
視之亦不能辨為何語也

紅闌翠檻說梨花幽夢永夜輕寒玉簫凍恨鸚哥背面
燕于前顏人去也閒殺幾層方空初三還下九俊影
雙涵豈料春波片帆送私語本難憑會少離多莫錯怪
銀蟾無用便日日回文錦書來總不抵當時一聲珍重

又

美人雲起望長安不見一樣如天畫樓遠想蝶綃粉蠹
鴛綺香穠鎮日裏碧唾紅啼相半西風消豔雪玉女

池清算替明湖貯離怨秋夢故鄉回夕鏡晨奩還認否
重來庭院可曾記涼生桂花翹只三兩流螢繡簾低卷

又

綠陰青子懺樊川牽惹凝黛屏山靜於畫鎮風欺蛛網

霜冷魚鳧銅盤外遙見銀河偷瀉 吳綾撫小像玉映
圓姿裝就香生半囊麝圍住紫羅茵風蠟燒殘還惱亂
舞紅一架待喚起姮娥證三生也憐我無端酒醒今夜

又

江郎賦恨正煎茶時節風露終宵怨瑤瑟嘆遺蘅事杳
祝豆緣慳合併作滄海明珠痕跡 卷中人未遠決絕
填詞句引詩魂墮空碧別院聽吹笙亞溼香消漫惆悵
花天燕國浪憑著齊紈寫相思任月影如盤小時不識

四犯翠連環

雙調自度曲

露翦聲輕風鈴語急西園亂紅難繫屈戌漫將春放了
孤負燕歸千里舞腰慵未起曉痕溼透鞦韆地鬪香時

節鬪茶天氣釀就愁滋味
此際休說銷魂祇綠陰芳
草那堪遊戲十二玉笙催夢遠空誤鳳綃鴛綺釀寒清
似水垂楊小院深深閉鎮獨自閒理霓裳譜拋盡相思
子

鬢雲鬆令

作堆絮體

拖紋紗開寶鼎一樹梧桐一樹梧桐影絡緯嘯煙秋欲
暝翠玉樓前翠玉樓前井鳳衾寒鴛帳冷好夢無端
好夢無端醒離別團欒今夜併愁倚闌干愁倚闌干等
祝英臺近

月穿櫺香結篆芳思理逾亂翠袖生疎涼引繡屏遠那
知絡緯聲中蜘蛛影裏早作弄秋成一串晚風輒安

排挹露調冰珍簾北窗展消損花枝隨意畫成卷可憐
青粉牆陰海棠幾朵最相稱玉人團扇

鵲橋仙

影雲館坐月補和黃韻甫七夕之作卽示定生

晶簾非近銀河非遠人在碧梧庭院夜闌弦月墮牆陰
怎不似手中團扇瓶花漸殫爐煙自冒涼寫一天清
怨回身悄換越羅衣忽忽地秋更又轉

金縷曲

題黃韻甫帝女花傳奇

打出傷心稿恁收場繁華世界夢兒潦草憑著蕊珠畱
幻影倏忽慕門斜照有賸水殘山相弔坎坎笙篴聲斷
絕似宮人白髮談天寶焚碎玉鳳凰叫風情總被填
詞惱莽銷魂水邊橫笛花邊側帽汗減懷中銀字譜化

卻旃檀煙裊是一樣承平年少不識悲從何處起作神仙痛哭瞿曇笑歌未闕月輪小

南鄉子

雪詞

吹緊玉塵沙兩兩三三竹影斜特地挑燈思好夢梨花可惜銀屏半面遮風急噤歸鴉翠袖疎慵酒力賒怪底小鬟呼不應煎茶約畧闌陰露髻了

又

素練迴難收失卻參差瓦縫溝漫卷重簾貪望遠紅樓鸚鵡嫌寒怨玉鉤打散七香球滾滾長江凍不流錦瑟翻成新樂府扁舟萬樹梅花擁莫愁

水龍吟

用樊榭韻

隔簾草夢初醒軟
鞦韆架底春寒淺
東風幾日海棠開也
書牆寫遍吹絮池臺試香樓閣亂愁難遣
況十三弦上塵消粉蠹應彈損參差雁
擬託深情翠琰奈遙遙繡屏天遠
畫臨院派詩成宮體溫存俊眼
甚到而今紅羅封淚紫綃緘
怨問何時重向冰奩攜醉把銀缸翦

摸魚兒

題許金橋謹身湖上句畱園卽寄讓水

莽銷魂河橋畫舫恩恩遙帶愁去就中別有商量地
十日片風絲雨春未許把一串離情輕付尊前絮
曉鶯亂語道豆蔻新盟蓄微後約搖漾太無據
紅塵軟款卻玉京人住西泠消減遊趣酒徒吟伴
晨星樣祗此煙波畱與君聽取
爭柱裏淒涼幾曲黃金縷
深沈院宇想團

扇題成漪簾卷罷都是夢來處

虞美人

題錢歲便面

出門西向銅山笑傀儡牽人倒
薜蘿春盡不知愁還說
腰纏十萬上揚州
自憐紅豆嵌詩骨懶問牀前物
買花沽酒事無多且凭闌干日日看新荷

徵招

簷馬

西風不怕愁人惱清商畫樓先起恨鎖碧闌干
奈秋魂難繫連宵涼露洗領餘韻幾回酸鼻舊市更長廢廊鈴
絮助他寒氣
鬆几暗香銷梧桐外銀河蕩搖無際悄
語太惺忪甚蟬紗深閉模糊殘夢裏想猶認墮釵聲細
曲屏遠獨自攜鐙但薜痕滿地

鬲谿梅令

庭梅初開風雨竟日小窗坐對格韻獨清因拈白石老仙自度曲以寫之

玉人何處佩輕搖粉牆高正是琴牀松子雨聲敲獸爐
香半消枕邊眉黛鏡中潮兩難描又恐春風吹夢入
無聊綠波新畫橋

疎影

東園晚眺

尋幽步屨愛翠陰裊裊詩境空闊隔水人家三面疎籬
回環棟蕊桐葉靡蕪青斷危橋路喚不醒癡眠蝴蝶想
夢兒飛墮蒼茫散入晚煙城闕惆悵南朝故址數稜
舊菜圃碑字磨滅何處鐘聲何處笳聲且與歸樵閒說
雨絲一把收難起未過盡黃梅時節等夜涼扶醉重來
碎踏滿谿明月

南柯子

譜蘊軒夜坐

秋氣先侵燭梅陰漸染衣斷無人處一螢飛纔度窗南
又轉畫廊西雲樹牽歸夢湖山負夙期黃昏幾點雨
罪微料得新萍綠過釣魚磯

小重山

月生書來述小病狀賦此代絨時不雨數月矣

小別光陰迅似飛朱櫻纔過了綠梅肥羅衣嫌熱換紗
衣松風軟怎說病相宜香影半傾欹妝臺微祝雨鷓
鴒鵲手簪蘭蕊供安妃鉤簾下斜見玉繩低

鷓鴣天

細轂騎驄起鈿塵一屏紅燭照愁人夢尋幽會偏無據
醉許歸期誤當真深院宇悶黃昏追思往事倍傷神

梨花繡在羅巾上預爲離筵種淚痕

點絳脣

市色嵐光卸帆眼熟蘭陵路黛梅欲吐巧應收鐙鼓
擬趁新晴又被江風阻斜陽渡畫樓無數雪繡春寒譜
唐多令

愁共水潺潺離人當暮餐况禁他杏子衣單隔箇窗兒
同聽雨消不得是春寒宮燕報平安音書比夢難景
陽鐘可似寒山奉帚平明花落盡閒殺了好闌干

擣練子

風信緩浪花勻一湖春水自溫存采蓴歌好無心學熨
貼紅箋寫洛神

西湖月

西村畫舫初回正
嫋嫋微風作成蕭瑟
幾枝疎柳幾枝瘦
蓼碎搖輕白閒鷗
窺鏡悄待轉過平
橋秋夢積樹陰外
三兩漁燈最是耐
人尋覓清暉未減
當年甚扇綺香銷
袖羅愁冪水晶簾
底酥雲醉露晚妝
顏色紅樓芳事遠
怕寫入瓊簫寒更
力算只有扶病荷
花舊時相識菩薩蠻

乍接音書渾似夢
幾回瞪視鞦尖鳳
惹得小鬟猜拈簪
代拆開書中無別
語只說涼州住新
種綠葡萄春來一
丈高

陌上花

歲暮自金陵歸瀨感賦卽寄定生

歸來歲晚幾番消得冷吟閒醉孤月投襟人與病梅交
慰覓鴻遙寄珍珠篋難抵一棧紅淚倩蘼蕪暈遍烏絲
格子夢兒飛墜凭闌干眺遠酥雲凝處莫辨鄉關空
翠蔥指禁寒定把玉笙冰碎擬從鏡裏窺春黛照眼平
山如睡繫相思但有盈盈羅帶兩彎江水

鷓鴣天

虎邱道中

一翦輕陰弱不支江南五月熟梅時珍珠鐙下嫌風熱
翡翠橋心恨月遲蟬影薄蝶魂凝紅玫瑰襯白鮮梔
蓬窗偶讀閒情賦願作吳孃鬢上絲

浣谿紗

試換羅衣待月明玉人先上水西亭鴛鴦睡了莫吹笙

星
渲碧斜行蘋葉瑱金橫幅桂花屏一池秋水浴雙

梅花引

柳花飛杏花稀落月催人輕別離美人兮美人兮何處
片雲秦時宮闕西書成重把鴛紋疊淚流重把鵲痕
拭九張機九張機新織袖羅紅如紅印泥

憶舊游

秋日偕張松谿秦初願升伯寅家彥宣廷
變西谿觀蘆花約賦此解時松谿將之廣
陵彥宣將歸武原于亦擬赴潁陽故末語
及之

向幽谿弄楫瘦塢危橋冷處翻新碎雪晴空灑似紅兒
攜拂淺颺珠塵遠山倒插煙外濃翠落金尊更宿鷺團
團閒鷗片片畱樣柴門荒村舊蘭若貯滿院斜陽搖

曳秋魂傍水詩龕啟問維摩天女誰是花神擬將亞溼
尋夢漁笛起西鄰賸落葉聲中離愁萬疊嵌斷雲

清平樂

晚來寒重玉漏詮幽夢冰樣被池推不動釀出春愁幾
種呼鬢小試團茶心香微印些些燕子未歸風定簾
鉤一寸松花

擣練子

簾半卷夢初醒煮茶聲裏過清明梅花雪後梨花月澹
得春光不近情

葉元璧

字小譜
慈谿人

疏簾澹月

簾陰

珊瑚蕩處儘舊夢。惜惜斷雲畱住。闌隙花明。羅幌薄吹
春霧。晝長睡燕棲難定。辨陰晴。玳梁私語。琵琶聲悄。湘
波淺貼。醉魂來去。更半額暗添幾許。認細罨窗塵澹。
黏檐絮。隔鏡羞鸞一桁綠。濛濛護東風。不卷斜陽入黯。
銷凝恨。絲愁縷翠。簫香潤和煙流散。蜨衣涼度。

翠樓吟

簾痕

薤葉含煙。桃枝凝露。瀟湘隱隱風展。冰絲縈碎樣。誤酒
夢。那回偷薦紗廚人。更細印入衫蕉。鱗漪深淺。明嬌腕
膩霞一縷。碧紋微斷。宛轉滑沁銀泥。憶幾番收起。笛
雲平翦。玉花誰遠。贈卻雨過秋深難辨。舞沈歌散。向藤
綠陰中。背人尋遍。空愁看夜涼如水。月華鋪滿。

葉元階

字心水
慈谿人

風蟬令

瘦影人如夢寒鐘月在樓西風撕弄小銀鉤猶道隔廊
屨響誤回頭 溼玉憐紅筋輕珠泥翠喉短絃揜抑不
勝愁卻向眾中佯笑眼波流

葉九苞

字鳴一
慈谿人

疏簾澹月

簾陰

篆煙香細繞繡闌重重被伊凝滯雨過瀟湘滿地碧痕
如水醒餘蕉夢人空倚半遮愁半遮顚顚儘容花底夕
陽不許玉鉤收起 問誰也玲瓏巧製恍青暈籠紗白
描著紙燭燿潛穿真箇明投暗裏蘚階粉月沈涼意障

微雲魂甜末麗怪他燭影移來掃却秋紋半砌

厲

志

字白華
定海人

金縷曲

賦湖隄新栽春柳

已覺春如許更誰將綠枝低插暗蒙湖雨雪鷺經過渾
不見爲是柔條容與卻閃出紅牆琳宇曾憶亭榭浮碧
嶼聽歌頭信有漁郎住雙翠鳥拉煙去漫來行客增
愁緒便刪除鄉關絲渺望歸何處破帽橫肩看鬢影忽
又拍來飛絮只贏得零星攢聚暫約東風重款款貰村
醪細共斜陽語徐欲動萬千縷

施燕辰

字夢玉山陰人
官江蘇知縣

換巢鸞鳳

楓橋感舊

過客恩恩正呼鐙轉舵欹枕聞鐘荻芽漁市月柳綫野
塘風金裙蝶化館娃空鄂君自眠春寒自濃嚴城外耐
幾度夜烏嘯送 衾擁誰與共紅藕晚涼曾記淩波夢
背影羅羞昵郎釵韞賺了白頭江總芳草和煙又今年
斷魂都是閒邱隴胥濤深似離愁可也知重

霓裳中序第一

重泊惠山寄友

谿花冑翠蟄豔照行人亭上酒見說東君去後更蛺蝶
雙飛軟簾風晝珠宮似舊問彩鸞幽韻誰偶春歸也爲
他愁損一片冶橋柳 青逗遠峯迴九任鏡裏眉痕爭
秀離懷應自憊慙軟繡佛鐙閒畫雲衣皺檻寒花影瘦
卻燕子清明近候蓬山晚落英無數夢雨漫回首

徐其志

字伯宏號湛人荆谿人
候選訓導有瑞雲詞

唐多令

風雨助孤吟吟多思不禁已逡巡悞到而今百折千回
都過了情更比昔年深涼氣紅衣侵鳴蟬空際音漏
斜陽幾葉蕉陰展轉蕉心難照到爭照得昔年心

暗香

用白石韵

一痕雪色趁嫩晴可擷梅根長笛著意弄嬌總爲高寒
未輕摘休笑烏鬢漸白有蕭瑟蘭成吟筆儘抱得冷豔
芳姿和醉卧衾席香國語正寂似暗惜去年別恨常
積寸心未竭每踏春陽便先憶修竹還欹翠袖眉際認
遙山凝碧試說與林下夢可能記得

楊韞華

字雅雲
元和人

湘月

題湘花館圖

露華清榭映芳草
燕煙綠滿書幌
整架吟幘貯幾許綠
麝青檀供養楚些招香
湘絃引月不算幽情曠
一丸蘿月隔谿時繫詩舫
今看畫裏家山紅英碧篠
蕭瑟臨秋爽
葉葉琅玕搖碎影
總是悽風送響
夕燭敲詩曉蓬
尋畫遣得騷情儼醉呼漢女
九歌爲我重唱

孫元培

字賓華
仁和人

瀟湘夜雨

題湘花館圖

卮字闕低湘紋館靜秋陰如此
簾櫳詩情畫意兩從容
人乍起茶煙繞竹香不定
蘭葉搖風梧桐外憐他玉女

倩影重重 佩從楚客采來澧浦一笑心同正看君點
筆筆勢玲瓏供石盞月明深院開水榭露滿芳叢頻延
仁儂將乞稿扶杖綠蘿中

儲憲良

字麗江荆谿人諸
生有安素軒詞

卜算子慢

落花

餘香已倦微冷暗催盡日芳菲無主多少金鈴難護春
愁一縷傳語倩東風扶上青天去莫又被流鶯早覺窗
前捎損紅雨 寂寞憑誰侶只舞閣游絲畫橋飛絮相
伴依依一樣銷魂情緒延伫望斜陽轉徧無尋處君不
見天涯芳草盡是春歸路

李

煊

字西岑烏程人諸
生有谿上玉樓詞

探春慢

春暮

白紵徵歌黃柑勸酒冶遊過了寒食鬪草閒門賣花深巷一片綠燕斜日愁緒紛無數翦不斷柳絲千尺怪他雙燕歸遲小窗誰伴岑寂幾陣黃昏疏雨又滿地梨雲春去無迹短燭燒紅曲屏掩翠吹冷畫樓橫笛夢到江南岸但橋外煙波凝碧送客明朝落紅應惹吟屐

齊天樂

碧雲春思圖

碧橋煙冷聞吹笛昏鴉亂棲垂柳蛺蝶無聊藤蕪自綠此際愁濃如酒斜陽渡口只幾疊春雲學他羅袖賦別江郎近來腰比玉人瘦銜花雙燕未返寫相思短札誰寄紅豆翠被香消銀鐙影炷夢冷湘皋巫岫天桃謝

後又嘯鳩恩恩餞春時候腸斷江南白蘋開徧否

國朝詞綜續編卷十九終

錢塘宗景藩子城校刊

國朝詞綜續編卷二十

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

錢符祚 八首 趙函 五首

潘遵祁 十首 陳元鼎 八首

張炳堃 十一首 張修府 一首

張杲 三首 孫廷璋 四首

陸豫 二首 徐宗襄 一首

周譽芬 一首

潘誠貴 六首

秦光第 六首

金繩武 四首

徐恩貴 二首

蔣坦 七首

周學源 一首

潘介繁 十首

錢符祚 字小南宛平人諸生

黃韻甫曰小南懷才不遇幕遊江右與人落
落難合以是見嫉於儕輩故人李謫如官嶺
北時延司筆札會予致謫如書小南見而善
之錄稿藏篋越三年戊申始與余識於南昌
寓齋傾蓋如故文酒往來殆無虛日又四年
壬子予自皖入都小南亦移家北上流連燕
市又半年許而小南即於是歲冬歿於京邸
平生於詩古文詞援筆立就遺稿半燬於火
其存而未刻者尚十餘卷是編所錄皆南昌
時投贈作也感懷舊誼盡傷於心錄皆南昌

高陽臺

讀韻甫拙宜園詞拈此為贈即以訂交

我輩鍾情人生若夢怎教綺語能刪觸著傷心一生淚
未曾乾尋芳偶拾殘紅片被枝頭梅子含酸甚東風不
願花開只願花殘 明蟾剛露些兒影又浮雲過處掩
卻團圓擬託微波而今說也都難哀絲豪竹頻消遣鎮
無聊付與雙鬢漫句畱招得春來莫放春還

長亭怨慢

寒夜讀韻甫所爲院本感而有作

聽簷瓦敲冰都碎似爲愁人劃成愁界讀曲枝枝一鎧
明滅總無賴酒杯猶在判不睡將愁酌掩卷莫重看有
幾箇黃昏能耐 窗外正梅花獨自與我影兒相對沈
沈月色也應見此愁態便淚點散作真珠怎償得前生
愁債况屋小如舟怕更愁多難載

南浦

詠水仙與韻甫同作

曉風吹折早檀心掩抑不勝春閒倚瓊瓏峭石笑語幾
曾溫望斷山遙水遠祇斜陽如夢淡無痕賸疎梅點點
嫩篁簇簇相與度黃昏銷盡鐙前蛾綠又影兒瘦到
卷簾人底事淩波去後重現此花身環珮聲來月下一
絲絲難化是香魂任塵生羅韞寒憎翠袖未肯傍朱門

浪淘沙慢

滕王閣攬遠和韻甫韻

漸兩岸煙籠穉柳作弄春色折屐來尋燼劫閣曾屢褰燬於火褰
衣尙有倦客看一桁西山簾外隔細認取舞影歌塵賸
數行狼藉舊題墨寒照暮天白目極旅愁待共誰釋
羨江上漁子收筒去雙槳搖歸汶唱夕陽鷗點橫谿萍

迹怒濤亂卷三十年此地曾經游歷

余不登閣者近三十年矣依舊

是樓臺層疊浮雲黯屈指瞬息甚空裏高風又墮幘算
幾度把酒登臨坐振笛泔泔熱淚憑闌滴

水調歌頭

韻甫連日不至詞以憶之

此筆幾人有千載幸同時片帆吹送佳客飛渡大江西
卻喜梅花禁冷又怕楊枝易別相見已嫌遲延攬上滕
閣高處且畱題最難得攜手去是心知不應一日乖
隔何況在天涯曾約看山看水盼到無風無雨底事屢
愆期煮酒過宵半明月向樓低

長亭怨慢

送韻甫之皖且以誌別即題送君南浦圖後

漸波漲盈盈南浦怕送君行願教風阻我欲盟鷗不知

重見在何處。開紅隨舸千里外。銷魂樹一半好春光。只合向愁中閒度。臨去悵前塵。若夢那是故山歸路。癡心自守。幸各有斷章零句。問別後兩地相思。可能似連環句。住算此際難畱。何苦當時輕賂。

又

更多少離懷難訴事過中年總傷遲暮絮捲花飛一江
春影載愁去者番揮手判獨自成淒楚待上倚晴樓倚
爲韻甫家樓名共指點斜陽門戶凝伫算幽蘭可佩祇有同
心能素時以漳蘭四盆贈行無聊慰藉轉不似尋常情語賸兩岸
綠遍蘼蕪儘畱與勞人重賦倘寫到龍眠龍眠山在皖省桐城休
忘西山曾住

忘西山曾住

湘春夜月

韻甫行二日矣惘惘如有所失輒製此詞奉寄愛而不見聊寫我憂不自知其詞之激楚也

憊恩窓此生判不相逢說甚細柳絲長無力綰東風一
任綠波春水載滿蓬花片到處流紅嘆不如遠樹程程
送客遙度千峯浮雲易散斜陽太短殘醉猶濃惘惘
天涯還試問眼光心迹能幾人同今宵有夢儘去來柔
艣聲中怕向後便詩盟重訂江湖倦侶容易成翁

趙

函

字良甫震澤人有飛鴻閣琴意二卷

黃韻甫曰良甫與曹良甫同以詞鳴江南一時有平仄良之稱

高陽臺

玉華樓對雨與萊塘各賦一解

與鶴爲鄰招雲共宿閒蹤容易句畱手摘蘋絲單衣弄

影中洲西冷柳色無人憶有疎蟬吟過殘秋繞雙隄
入荒寒不似前遊湖千雨洗青鬢露任鴻飛天遠客
去亭幽賸碧殘金那堪重問沙鷗一杯冷澹餘杭酒認
衫痕都化清愁悵宵深隔水鐘飄夢覺高樓

念奴嬌

夜泊邗江有懷甲子舊遊寄華惇園

紅橋春霽記浮香點綴半林殘雪料峭東風扶翠袖人
與瓊花雙絕碎玉鳴箏真珠結佩荏苒花間別樊川俊
賞十年心事難說試問隔水房櫳連坡竹樹底處尋
消息一角燕城凝望久冷落鷗邊秋笛脆葉驚飛荒雅
過盡賸有空江月月高無寐繞船寒浪鳴咽

甘州

錢唐王薤穀張松谿同舟往來江淮間倡酬甚樂繪蓬窗燭景圖屬題時松谿白袁浦還

杭余與士美亦先後有西泠之行

對江天旅思鎮無聊同攜木蘭橈趁蘆碕風起黃灣月
上冷和瓊簫一夢秋衾未醒小別咽寒潮抱影烏篷底
蜜炬重燒我亦江淮流浪慣鷗邊聽雨曲裏聞濤只
幾番載酒短髮易霜毛恨春歸數聲鶗鴂要尋來新綠
段家橋依然到冷泉佳處挂取詩瓢

又 盧龍立秋日賦

聽邊風蕭槭墜庭梧彈指發商聲正悲秋人在令支故
壘孤竹荒城俯仰不知今昔繞塞亂山青十載蹉跎意
心與秋并草色離離原上似鏡中華髮漸次零星任
帶圍瘦減劍氣拂雲平待幾時倩他賓雁擘苔箋寄慰

曝衣人憑渠說關河蒼莽斜日呼鷹

國香慢

題玉井道人空山聽雨圖

一閣秋深擁翠屏九疊窈窕雲心煙蘿暗吹疎雨潤逼
蘭襟欲訪琴仙何處泛扁舟疑入湘陰重簾不須卷落
葉啼蟬無此蕭森玉清塵劫外記魚山曾到夢鎖遙
岑十年羈旅相見空恨商參月樣眉痕如舊譜幽香靜
几悄悄拈花破夢寂流水潺湲又動微吟

潘遵祁

字順之吳縣人道光二十五年進士官編修著有香雪草堂詩詞

菩薩蠻

鈕西農同年煙波十四橋萍跡圖

一枝柔艣秋潮送鷗邊幾點零星夢絲柳蓋魚箱白蘋
風裏香垂虹亭畔路煙雨牽離緒記得畫橋東遠聲

涼釣篷

臨江仙

黃又園比部憶湖圖

十二銀山迴合處
天風吹到窗前望
湖樓上一憑闌水
精簾乍卷誰奏玉笙寒
愁思碧簫吹不盡
扁舟廿四
橋邊蘆花秋擁白
鷗灘夢回瓜步月
詩在富春山

壽樓春

雨後同人坐物月亭同星齋作兼寄補之

垂陰陰湘簾又芭蕉綠了
圍住疏檐俊殺碧紗窗外晚
花紅嬌微雨後斜陽天正
玉池新荷田田更詩思飄來
嫩涼無那風遞一絲蟬
冰壺映瑤琴眠指舊時蟾影
照我尊前各樣酒懷深淺
暗愁誰牽花月夢煙波綠待
峭帆西風吹還向蘆雪尋伊
秋江鷺鷥飛釣船

百字令

陸曉峯江帆行月圖

長天萬里挂新蒲幾幅潮信初上卷起餘霞江岸綺鋪
卻冰綃十丈烏鵲驚寒驪龍熟睡水調憑君唱微茫沙
浦荻蘆搖動秋響渾似玉宇空明銀河欲瀉仙客乘
查往一掌風來輕似葉翦碎琉璃屏障宮錦題詩洞簫
呼酒有此情豪放篷窗斜倚眼前飛過青嶂

憶江南

葉漁莊五湖漁莊圖

漁莊好一帶綠陰遮絮影搓煙搖水閣蕪絲漲雨膩春
艍香國白鷗家

漁莊好鏡檻照湖心幾樹疎簷斜日挂一枝橫遂晚涼
吟人住碧雲深

漁莊好秋訊憶鱸鄉隔浦蓼花扶蟹斲全湖菱葉蓋魚
箱詩在洞庭艘

漁莊好鳬鷺舊同盟釣雪虹亭聞欵靄翦燈蠶浦話零
星閒理種魚經

菩薩蠻

墨菊爲族兄卓如題

銀瓶記泛紅萸酒霜華瑟瑟凝羅袖風雨忽天涯一枝
秋憶家寒香誰解領替寫疏籬影吟到瘦蛩邊夕陽
人卷簾

買陂塘

寄補之弟邢江

悄無端一燈如醉亂愁飛上吟幌別離容易將春誤不
道江梅偷放君獨往料拍徧闌干還倚東南望紅橋畫

槩問淺載詩心低搖客夢誰與共惆悵 風波惡昨夜
金焦吹漲布颿贏得無恙亭長候短前頭路從此天涯
恹恹儂暗想有幾點模糊鴻瓜堪重訪瞢騰近况算欄
鐸風尖赫鉤月小疑是馱鈴響

陳元鼎

字實庵號艾裳錢塘人道光二十七年進士官編修有同夢樓詞草

黃韻甫曰實庵詞膩情水漾古豔天生通籍後索米長安窮愁放誕借閒情以寫孤抱詞學益進咸豐壬子余以謁選入都唱酬甚夥惜未彙錄存此以見其畧

綺羅香

茜帶愁寬蘭衾夢窄離緒被春催起十二驚屏不見舊
時羅綺候芳訊燕子來初卜歸期鼠姑開未念冶遊近
日偏慵碧苔門掩小窗閑 雲邊何處消息試上高樓

望遠錦帆千里便寫蠻箋已少綠波雙鯉難自遣病酒
心情共誰賞釀花天氣向斜陽倚徧雕闌好風吹第幾

東風第一枝

戊戌吳門元夕

撾鼓重門試鐙小舫東風吹軟吳語嫩寒蛾袖微添輕
塵鳳鉤乍污今宵酒琰第一度月華圓處便明朝鬪草
籌花應動俊遊芳緒翻豔曲惜香院宇題錦字買春
伴侶客中未減閒情銀箏自尋斷譜梅邊靜瘦渾忘卻
綺窗無主聽鐘聲響徹楓橋分付醉魂歸去

浪淘沙

姚江舟中

新水短長橋帆影迢迢一痕眉月爲誰描翠幙圍春花
氣靜何處前宵冷雨又飄蕭燭暗香消酒醒時候最

無聊歸夢零星流不去多事回潮

玉漏遲

中秋用夢窗韻

雨餘人意嬾纖羅卷盡霽華澄晚耐冷嬋娟定怯玉肌
瓊腕記起鐙宵舊夢似花影春屏零亂香正滿等閒過
了秋光一半酒邊肯負吟情甚錦瑟韶年紫簫幽怨
霧閣雲窗幾處水晶簾幔忍銀牀睡去漸坐到繩河低
轉凝望眼風前暮砧聲遠

水龍吟

晚秋臥疾

病魴偏與秋爭重衾更向西風展砌蟲碎語邊鴻遙唳
宵長漏短寂寂孤幃悠悠醒枕幾曾禁慣又空階冷雨
聲聲點點直滴到迴腸斷紅月未疎藥瑱最擎來勞

伊纖腕一絲鬢影一痕衣褶帶圍鬆緩籬菊殘初并梧
落盡倍添悽惋倚屏山牋有短檠寒暈共愁心顫

壺中天

辛丑莫春重客孤城試院

唬鵲破夢又恩恩客裏送春歸去簾外嫩寒花自落容
易夜來風雨蔭碧虛廊紫紅曲榭曾是畱題處詩人依
舊舊詩今已塵土遙想倦繡鍼停黛蛾不展盡日愁
凝竚一樣彎彎弓樣月分照兩邊庭宇酒薄孤斟茶清
小啜閒得無情緒綠波煙外明朝涼曳柔艣

生查子

柳外畫橈催花下金卮住秋水滿橫塘便是分攜路
明日苦相思昨夜閒言語併作此時情忍淚看君去

菩薩蠻

桐階雨歇曉鴉靜
隔簾紅醉芙蓉影
花意冷於秋
摘花人自愁
西風吹不綠
桂葉雙眉蹙
香滅鷓鴣斑
瑣窗今夜寒

張炳堃

字鹿仙平湖人道光二十七年進士官編修有抱山樓詞

黃韻甫曰以秦柳之纏綿寫蘇辛之豪邁芬芳菲惻能移我情鹿仙爲海門太史介弟與絳跗詞面目各異宗旨則同才高律正迴越時流知損麗雅奏其來有自

臺城路

柳花

託根曾在靈和殿
依依舊家風度
點染黃金紛敷碧玉
豔雪都無重數
瓊蕤正吐問因甚
分飛不隨春住
愛逐東風自家輕薄
更誰訴江南千樹萬樹子
規啼欲斷

似喚歸去帶雨冥迷和煙霽
慰還向綠深深處栖香淨
土也莫化浮萍再當淒楚
說與芳魂短篷吾倦旅
時方薄遊

金縷曲

藕絲

惹得情如許問三生雙藥並蒂被誰絆住慣聽江南腸
斷曲省識蓮心最苦卻不省亂愁來處爲有垂楊能繫
恨抱纏綿不向春前吐秋一片擘成縷當筵十五盈
盈女笑無端爲伊撩亂髻雲鬟霧太華峯頭迷恨并淚
說牽來玉虎只繚繞紋窗朱戶入手應知非弱綫卻停
鍼偷檢鴛鴦譜挑逗了別時語

湘月

竹粉

湘妃素面被薰風買弄一夜勻染瘦玉棱棱也自笑學
得吳儂妖豔滴露成脂捎雲作黛曉鏡明波豔桃花三
兩倚酣來鬪嬌臉誰念翠袖飄零鉛華不御掃雙蛾
悽澹日暮荒寒又底用金碧檀欒裝點采綠心情啼紅
顏色自愛梳妝儉待催秋到暗霜來與銷減

沁園春

聲

非色非香隔花人遠清冷可憐乍輕敲寒玉早知意遠
微搖秋珮已覺情牽脆恐鶯羞輒教燕妒不是篴笙不
是絃消魂處聽喁喁絮絮忽近人前底須趁拍歌筵
有珠玉隨風落九天況春屏勸酒嬌宜侍夜秋闌話雨
悄不成眠睡笑低幃含啼角枕乍喜還嗔蕙性偏吞將

去看粉痕界淚一倍增妍

又影

嫋嫋亭亭隨眉學步何曾暫離記鬢雲晚墮銀燈災後
臉霞曉映菱鏡開時商略穠纖評量修短費爾描摹繫
我思驚相顧比花枝還瘦自也猜疑病來強與扶持
更卻立逡巡下玉墀把真真呼起春風圖畫卿卿喚取
秋水丰姿月榭追歡夜屏寫怨自別蕭郎只共伊相憐
甚待兜衾款密不見些兒

釵頭鳳

抽如縷飄如絮無端墮入非非去紅樓做青簾漾不應
凡骨許關天上儻儻添香炷停鍼語剪刀聲在深

深許銀釭亮金鉤響無因得見繡衾羅帳況況況

又

相思味曹騰地一雙青鳥知人意迴風引蓬山頂粉香
吹下芳心暗警幸幸幸驚疑際珊珊至霞裳水袂分
明是流蘊錦紅蕤枕行雲歸也半牀燈影醒醒醒

側犯

小園前後丹桂成林時方羈遊無復休暇去
秋花後始歸今又先花而去感室處之無日
歎芳盟之屢寒顧念依依殆不能去託之歌
詠不自知其詞之怨抑也

賦歸恨晚碎瓊已被風吹散空歎似漢渚人歸珮猶在
瑤臺倚冷月爲我迴嬌盼須待待隔歲花前勸金盞
春芳過也迤邐炎光換看早又湛清華秋到廣寒殿密
蕊重敷斷蓬自轉後夜樓臺露涼風滿

昭君怨

賦前詞後五日西北院木樨忽開一株感賦二首

喚得秋魂不起幾日孤帆煙際莫是夢中來一枝開
意外西樓相見贈我黃金雙鈿畢竟要分攜露偷啼

又

今日荷花生日來了廣寒仙客不是會羣仙是離筵

袖底氤氲香在準擬扁舟同載爲我謝姮娥感情多

摸魚兒

陳容叔延益出示淑儷襄雲夫人山水遺墨爲題是解

悔當初寒缸溫簾等閒消盡佳日丹青不畫相思影卻

畫遠山重疊還記得說是處嫌疏是處嫌稠密前塵的

的只玉鏡臺邊水精匳底往事可勝憶銀屏側添箇

人人似璧描鸞勝賞猶昔

君侍姬工刺繡有鍼神之目

妝樓待續樊

南句

新人來坐舊妝樓義山句也

那更陰成錦瑟

君近有朝雲之悼

愁恨積

看斷殘零筵併作傷心色君今在客算一領青衫萬千

珠淚禁得幾回涇

張修府

字東聖嘉定人道光二十七年翰林著夢龕詞

張鹿仙曰東聖性情婉摯學問沈博夢龕詞皆其少作溫麗嫺雅玉臺金荃之遺中歲後懺除綺習專力詩古文不復唱曉風殘月矣

憶舊遊

與家鹿仙六兄別十年矣每寄新詞殷殷念舊頃予賦北征聞六兄需次在鄂相逢

相別殆難爲懷湖濱舟次依韻酬寄不自知其聲之悲也

憶輒紅舊夢狂醉清歌十載消魂世事供謠詠只靈均

有淚憐我憐君

枉贈詞有算無多舊雨第一憐君之句

畱得飄蕭雙鬢都

換鏡中春甚雞肋淒涼蠶絲辛苦同走風塵天涯忽

相見話耦耕夙約煙月柴門負盡青山福怕離亭短筵
別酒重溫况是哀吟楚些斷雁叫春雲大兄七兄均悵下世數載矣
孤櫂湖天無邊草綠煙水昏

張 杲

字子瞻諸生江夏人

張鹿仙曰子瞻幼擅神譽自其髫髻出語已驚其長老迺以赤虬遽召文采翳如哲兄粵卿尚書輯其詩詞爲墨華遺藁錄存數閱亦足窺豹一斑矣

浣谿沙

和歸舟韻

柳外蕭蕭控玉驄早霞低襯片帆紅挂帆一陣鯉魚風
中
漁子繫舟來補網榜人過港暗推篷客程都在蓼花

金縷曲

迎梅

長揖梅花下數今年番風廿四
恩恩來乍籬落塵埃清
不著涼月昏黃五夜香影動
花枝低亞我與梅花同作
客算主人還讓先來者埽花
徑敬相迓山中豔說春
無價祇相招綠華下降竹籬
茅舍恁說羣芳羅綺似不
合詩人蘊藉驀報道癰仙來
也整頓青袍重拂拭酌香
醪乞取尊同把怕只是知音
寡

百字令

別梅

最無聊事是酒闌人散黯
然將別流寓羅浮三百日彈
指窓窓一瞥我爲花癡花因
我恨一樣愁如結沾襟相
對幾人同抱悲切太息聚散
浮雲廣平賦罷漫說心如鐵
惟恐芳姿憔悴損絮語丁寧
重疊一帶疏林半澹

流水幾點霏微雪離人去也再來惟有愁絕

孫廷璋

字仲佳號蓮士會稽人道光二十九年拔貢舉人國子監學正有玉井詞

菩薩蠻

鈿箏擁髻秋燈驛蠟煙紙繚春眉碧衆裏最盈盈十三
絃語輕妾如泥著雨郎似風吹絮吹絮著春泥相逢
難便離

又

子城絡角兒家是門前一樹桐花紫聽取綠鸚哥問郎
眞到麼檀槽金邏迤隔著衫兒坐拍冷玉纖痕時時
教與溫

又

醉紅印枕嬌無那一枝晴雪梨花妥還恁怯生疎嫌他
鐙未枯翠蛾似欲結軟語支蘭息那有睡工夫霎時
驚鷓鴣

金縷曲

寄懷潘椒坡時軒兩孝廉

迢遞雲山曲問何時詩壇酒社勝游重續當日鬢絲禪

榻畔最近謝池水木

余寓元通觀時離椒坡昆仲居甚近

羨才調翩翩二

陸一樣鳳樓誇作手早安排浪擊溟池北風月邸唱酬
足等閒厭聽蕭蕭筑信迴車居然免下歧途慟哭剛
爲鱸羹莼菜計豉法去調鹽菽可回首巢痕夢逐知否
舊軒蕉葉雨比年時添了淒迷綠空寄恨郵筒竹

陸

豫

字樹齋號劍侯寶山人道光二十九年拔貢生官蕪湖知縣有東臚草堂詞

蘇幕遮 次子啟韻

浪紋疎萍點瘦細雨吹來水閣涼痕逗記取茅亭春喚
酒布穀催殘賸得沿隄柳砌苔梳溪石激賭韻傳盃
河朔今番又一鷺花前翹足久荷葉聲稀新月來時候

臺城路 秋礎

橫江秋影斜陽淡溪邊乍聞人語石磴敲煙霜樹墜葉
惹起離愁如許衾寒夢苦有淚點征衫費儂調護月落
關山一聲聲和隔隣杼天涯催斷客夢記城高白帝
風急夔府冷雁驚餘哀猿叫後添得更番淒楚衰楊數
縷是女伴春時浣紗歸路寄語龍沙此聲休聽取

徐宗襄

字慕雲宜興人道光二十九年
舉人內閣中書有柏蔭軒詞

高陽臺紫影

風弄纖魂煙描弱態憑伊勾出春心吹去萍蹤誰憐門
巷悵悵迷離青眼頻迴顧隔微塵和夢難尋鵲沾衣恍
認啼痕暗拭羅襟 虛空誰寫纏綿意看斜陽澹澹明
月深深鏡裏愁窺應添繡閣香吟柔情不逐流波化倩
游絲綰上花陰誤歸來紫燕輕銜翠箔虛侵

周譽芬

原名普潤字叔雲號鷗公祥符人原籍山陰道光三十年進士庶常有東漚草堂詞

湘江靜

題湘靈鼓瑟圖

廿四芙蓉明鏡展悵盈盈戰羅塵軟銖衣蹙露瑤弦汎
月寫紅蘭幽怨一抹洞庭波又驚起楚天新雁桂枝秋
老蘋花夜涼剛人與碧雲遠 北渚遙南浦晚寄瑤華

鯉魚誰倩明璫翠羽相思那處是黃陵祠畔斑竹鎖秋
煙怕難寄啼紅一翦跨鸞人去愁邊空牘數峯青斷

潘誠貴

號時軒江蘇吳縣人咸豐元年
舉人有聽香室詩鈔箭紅詞

高陽臺

盤香

小篆蟠雲圓規替月宵深移近蘭釭一寸芳心和伊曲
曲思量東風肯把重簾揭寫春人九轉愁腸更誰邊夢
影低迴情短情長 灰深巧樣旋螺暈正雙紋帳掩六
摺屏張屈戌鸞環深深暖護鴛鴦輕煙綰作同心結似
偷來寶髻新妝鎮無聊斜倚熏籠都繞芸囊

摸魚子

初秋病中

枕窗陰芭蕉深處秋來風雨無準湘波翠翠簾垂地吹

醒一鐙涼暈眠未穩聽瘦了蟬聲又是蛩聲緊黃昏漸
近拚數徧宵鉅捱殘曉漏攪夢五更盡羅雲薄天半
星河隱隱銀屏香炷盈寸已涼天氣都無賴況又詩懷
病損愁暗忖便不是悲秋也抵傷春困流光去迅料疎
柳闌干殘荷池館初雁已成陣

城頭月

冷雲吹落梧桐樹撥盡沈香炷驀地開簾不信黃昏又
是絲絲雨背鐙偷把殘更數好夢畱難住隔箇窗紗
只有秋蟲說著儂心苦

高陽臺

遠樹搖寒虛簾織暝樓臺一笛西風掩了重門唬痕都

作鵲紅藤燕綠過誰家院甚斜陽燕去恩恩更撩人近
水疎帘隔水疎鐘 秋光送我長亭路正江涵絮荻驛
冷霜楓一樣青衫天涯何處相逢瀟瀟夜雨銷魂穀況
明朝各自西東驀思量夢倚孤鐙醉倚孤篷

一斛珠

小園漫興

重門寂寞一池流水桃花落等閒誤了尋芳約病酒心
情抵得春陰薄 燕姁驚嬌藏錦幄海棠紅壓秋千索
惜花人倚西樓角鈴語東東也怨顛風作

邁陂塘

暮春約同人倚櫂鴛湖曼聲度此

趁東風晚潮吹上柳絲搖綠如許盈盈鏡裏雙蛾黛多
被樓陰遮住船六柱莫載得春來便送春歸去夕陽無

語指燕外斜帘鶯邊游展零亂自飛絮
浮家近橋李
城南古渡綠波導我前路一年一度尋芳約算到而今
幾度須記取怕明日湖隄都作煙和雨棹歌容與恁載
酒人歸傾脂香冷併入冶遊句

秦光第

字次游嘉興人咸豐元年舉人有半枯樹齋詩餘

鷓鴣天

內人亡已一年餘矣念其生具慧根應還天上焚詞寄之

獨坐緘書淚滿懷思量無計遣悲哀暫時不見還相憶
一別如何竟不來
操井白賴卿才廿年家事費安排
恨他梅影樓頭月第家樓名猶自團圓照鏡臺

又

對泣牛衣苦未忘垂簾愁指舊燈光案頭煙捲題詩稿

屋裏塵封送嫁箱 秋杳杳夜茫茫天風環珮好還鄉
居然遠報登科信姊妹花前憶北堂辛亥秋榜前其表
姊于慧雲夢告以
予獲售因嘆曰我母日望
之而竟不及見恨何如也

又

書劍東西水上萍淒涼一處一思卿不應憐我先拋我
敢說來生似此生 關塞路雨風聲長安城裏過清明
苦勞魂夢三千里若有人兮到五更

又

多難何堪多病身無言鎖口暗傷神改絃未必成同調
橐筆依然賦遠征 仙共佛最多情何妨天上乞重生
當年手寫靈飛帖化作奇香便返魂

搗練子

風漸定月初斜病起懨懨理鬢鴉窗下怕驚仙鶴夢自
緘春信寄梅花

相見歡剪秋羅

滿階碎錦零香畫闌旁好共褪紅羅袖話風涼 胭脂
片零星濺晒斜陽畱與秋蟲寒蝶作衣裳

金縷武

字述之號韻仙錢唐人咸豐元年舉人與夫人汪玉卿合刻評花仙館詞

浣谿紗

魏然伯文以顧西梅葬花園見遺余錄趙秋舫葬花曲合裝成卷集句題之

一片花飛減卻春毛如今無處不銷魂魯逸安排腸斷

到黃昏

秦

風急落紅畱不住曾小庭深幕墮嬌雲趙彥

端相思萬點付啼痕魯逸

洞仙歌

約指

彈箏賭畫憶花前酒後曾傍鶯鶯繡羅袖算幾年恩愛
儂不如伊還知得病裏春纖肥瘦 斬新花樣子鞦韆
當中四角珍珠細圈就可惜一天天褪了香痕便添了
些些苔繡望祇望他生再相逢便不是章皋也還能敲
菩薩蠻

幾天不到閑池閣東風搖弄秋千索莫是箇儂來紅窗
分付開 繡帷飄不定滿簾梨花影等到月痕斜影兒
無半些

早春怨

了了前盟茫茫後世草草今生也沒安排全無頭尾好

不分明 幾回睡去還驚聽簌簌風聲竹聲是隔房櫳
是搖羅帳是近窗櫺

徐恩貴

字念初號寶卿宜興人咸豐元年舉人有曉湖詞

長亭怨慢

燈花

漸消盡鴟爐香霧靜對銀缸豔情輕吐一點光圓幾多
蘭蕊結如許玉人何處曾暗卜添離緒好夢未分明肯
把芳心灰去 憐汝恐容羞鏡影祗剩瘦魂一縷憑伊
解語怎消受殘更三五願今宵並蒂長開怯風冷窗紗
深護待焰剔釵紅還救飛蛾無數

摸魚兒

孤雁

悵離羣半江空晚平沙欲下仍起飛來曾度鴛鴦浦顧

影獨憐顚顚書待寄奈要寫相思片幅難成字驚風去
矣任雪夜呼奴雲天覓伴相與永拋棄調箏柱牘卻
冰絃十二獨彈誰諒深意看伊冷落孤栖久嘗透異鄉
情味嗟兩地祇撇下離愁一點秋雲裏歸程萬里看紫
塞塵清玉關春好何處覓知己

蔣坦

字藹卿錢唐諸生有百合詞二卷

霓裳中序第一

湖上用草窗韻

移篷翠嶂疊路轉漁灣風開葉醉把蘋絲自結漸柳市
上燈蘆漪催月殘梅點雪向晚來吹滿行篴春懷冷十
年影事怎對鷺鷥說清切小橋泉咽念橋上題詩字
滅江潭依舊賦別夢解珠鞍兆驗金珎看花人漸缺更

怕聽陽關舊闕淒迷甚滿湖風起吹過紙蝴蝶

賣花聲

立夏

斜日小樓高花顫釵翹蠻雲潤逼鏡奩潮簪上荼蘼齊
換戴梅子櫻桃萬綠隱窗寮簾額風交歸來燕子語
無聊似與綠楊紅藥說春去今朝

紅孃子

燈也闌珊甚人也闌珊甚燭燄都灰鐘聲徐動月痕斜
滲怪消魂不管酒闌時一杯杯催飲去也無人禁住
也無人禁漸冷熏籠已涼方褥半空雕枕怪傷心不管
酒醒時一回回催寢

浣谿紗

安置梅花小閣閒鴛鴦繡被替裝綿怕人族冷只催眠
難道夜長該夢短端因愁重怕身閒好難消受曉霜
天

清平樂

題桐陰坐月圖

去年今日風雨高樓歇睡起羅裙慵不摺秋後紗櫥猶
熱月來還照簾櫳舊游門巷應同祇覺今年秋早門
前多了梧桐

賣花聲

西湖夜游

露氣薄如煙柳港橋偏五更殘夢落鷗邊一度曉風人
不覺開盡紅蓮燈火憶當年癡絕堪憐未來便已想
迴船只有今年身較逸醉倒尊前

金縷曲

答以能上人

自識紅塵味便無端尋真說假爲人拭涕顛倒一枝蒼
帚柄埽了幾何年地算打脫者回桶底要與迦陵仙鳥
說道而今窮子思歸矣問蓮葉漸開未 聞公日誦金
剛偈算能仁法還應捨何論文字八十一章華嚴句不
過葫蘆樣子更有甚因緣大事倦卽思眠饑喫飯一些
些便是西來旨公不信請彈指

周學源

號岷帆烏程人咸豐二年進士官編修

買陂塘

題戴銅士西湖訪秋圖

盪晴漪謝家船小鄰鄰寒綠如許晚隄楊柳蕭疎甚眉
鎖一痕愁緒畱不住更瘦減菱花冷減蘆花絮商絃待

譜有咽月蟲吟隔煙漁唱替寫斷腸句 秋湖好我也
曾停雁鴈訪秋秋總無語縷衣檀板都消歇閒殺六橋
鷗鷺誰作主只點點涼雲儘伴人來去生綃認取認巾
子峯頭水仙祠下依約舊游處

潘介繁

字椒坡吳縣人咸豐二年舉人有曉夢春紅詞

金縷曲

和玉井詞人見懷之作并寄笠煙

歸路南湖曲憶當時詩奩酒榼墜歡雲續一霎華年容
易誤況又西風落木慙不盡程程川陸傳箭連畿銀雁
叫但荒荒殘照長淮北憑弔感甚時足 短衣使酒彈
哀筑莽平蕪秋燐滿眼幾家野哭打疊鄉心搖夢去相
對孤燈如菽我亦悔名場馳逐歸及初梅開未了有寒

香飛上臺尖綠同一嘯倚修竹

摸魚子

鴛湖夜泛

正朦朧月鉤飛上菰蘆間渚風緊湖波嫋嫋前頭路一
塢船唇斜引搖夢穩指隔水人家燈火初更近菱歌隱
隱任獨扣紅舳微吟淺醉雙槳晚潮趁樓空在煙雨
何堪更問尋芳舊約無準秋蟲怪底聲如雨那管客懷
愁損儂暗省怕稗柳橫波不似年時俊涼雲一寸便惹
予香中蘋花秋裏消受此鄉儘

羅敷艷歌

金猊片腦熏猶熱掩過銀屏倚罷銀箏遮莫街頭已二
更紅綃輕揭菱花奩顰夢微錫鴈夢纔醒寶串鬆時

玉一聲

賣花聲

好夢倩誰招
闌夜迢迢
薄寒無賴
展冰綃
一樣昏黃春
院月一樣魂消
惜別憶河橋
鉛淚偷拋
綠窗慵把玉
箏調
開盡櫻桃
簾不卷
明日花朝

風蝶令

二闕

夢斷朝來雨
香畱昨夕
熏惜花人
起立苔茵
不道東風
偷揭玉羅裙
喚客鸚哥
熟窺簾燕子
噴紫藤架底
一重門
記我來時
殘夜月黃昏

低泥琴邊語
春生鏡裏
潮碧簾風細
漏聲遙自取
玉瓶添水
養魚苗
墨暈和香碾
花光帶雨嬌
春裙閒繡退

紅綃親檢折枝新樣教儂描

金縷曲 答錢芝門

仰面飛鳥速問能消幾番骰
髀幾樁歡樂君向旗亭頻
賭唱忙殺裁紅判綠算懶聽吳簫燕筑我亦平頭三十
矣笑年來誤把金根讀人世事易張角 心情疎似秋
林籜再休提名場裘馬歡場絲竹拓戟狂歌悲逝水誰
道功名是福且料理隨身竿木寶劍淒涼風雨夜奈尊
前易下唐衢哭休更負故園菊

看花回

春社已過薄寒漸解曉步籬落得小桃一枝初紅微破嫣然呈笑并陽翁所謂風景韶媚芳思撩人也度大石調歌之

煖風初換輕紉院宇澄潔昨夜曲廊雨過正賺蜨撩鷺

紅逗籬隙窺人半面一笑低鬟勻睡頰無賴甚隔箇簾
櫳曉妝應妬茜裙褶還於想尋根載葉強命酒好春
時節怊悵題牋問扇更舊鴉津迷綺夢銷歇相思刻骨
吹瘦胭脂收淚纈語東君好畱住謾舞尊前雪

醜奴兒

人生不合江南住才聽鶯啼又見花飛小院東風盡日
吹舊家燕子誰相識夢也迷離信也依稀悶過輕陰
上巳時

浪淘沙

汪士松曉風殘月圖

煙際碧輕盈曉陌寒生朦朧樓閣帶三星說道春眠人
未起詩夢孤燈心事付銀箏殘醉消停藏雅門外正

平明紅板前頭多少路有座旗亭

國朝詞綜續編卷二十終

錢塘宗景藩子城校刊